

մեք յանձն առնումք մխիթարութեամբ և այլն, որովհետև խօսք մեր է հաս մինչև չարն Ներօնի կայսերն հռօմայ՝ հարկաւոր համարեցայ ասել մի 'ի պատմութիւն 'ի նոցանէ այսինքն, ոմն պառաւ կին եմուտ առ հայր վարպետ մի փիլիսոփայի, զանգատելով նմայ չարագործութիւն Ներօնէ և պատմէր նմայ պատառումն որովայնի դշխոհոյն և մօրն կայսեր Ներօնի, վասն տեսանելոյ տեղի բնակութեան իւրոյ, և յոյժ տրտմելով պատմէր գործն չարութեան Ներօնի, յետ համբերութեամբ լսելոյն վարպետիս ամենայն պատմութիւնն պառաւին, հոնգարտաբար պատասխանեաց պառաւին ըստ համեմատութեան բնական բնութեան ասելով, այսպէս թուեցաւ ինձ թէ բարեգոյն գտաք մեք Ներօն 'ի գործս իւր գործեցեալ 'ի վերայ մօր իւրոյ պատառելով յորովայն նորայ քանթէ գործ անօրէնութեան մօրն Ներօնի, ծնանելով Ներօն 'ի յաշխարհ և կայսր հռօմու, քանզի եթէ Ներօն պատառեաց յորովայն մօր իւրոյ կատարումն գործոյն միայն եղև վախճան 'ի կենաց մօրն իւրոյ 'ի վերայ աշխարհիս, այլ չարագոյն մայր նորայ ծնանելով նմայ մարդ յաշխարհ աւերեաց կեանս և պատիւս Ներօնի որդոյ իւրոյ՝ ծնանելով այնպիսի չարագոյն որդի որում ապականելով անձն, կեանք, հոգի և մարմինն նորայ 'ի յաշխարհի, և պատրաստելով վասն հոգւոյ նորայ անշէջ հուր 'ի գեհենի մշտնջենա-